

西南史地文獻

第四卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第四卷

甘肅省古籍文獻整理編譯中心
中國西南文獻叢書編輯委員會
編

本輯主編：周
斌

本卷目錄

重刻確庵曾先生西蜀平蠻全錄	二
〔明〕曾省吾纂	〇〇三
三藩紀事本末	三三三
〔明〕楊陸榮撰	三三三

本卷目錄

重刻確庵曾先生西蜀平蠻全錄	二
〔明〕曾省吾纂	〇〇三
三藩紀事本末	三三三
〔明〕楊陸榮撰	三三三

【明】曾省吾纂

重刻確庵曾先生西蜀平蠻全錄

二

〔明〕曾省吾纂，明萬歷九年張一鯤刊本，半葉十行，行二十字，左右雙邊。

曾省吾（公元一五三二至？年），字三甫，號確庵，鐘祥（今屬湖北）人，嘉靖三十五年（公元一五五六年）進士。此書乃是匯集平蠻奏議、公移、翰牘等官方文書及當時名人之平蠻詩文而成。

重刻確菴曾先生西蜀平蠻全錄卷之十

雜著

論曰聞之孔子和之以文疆乎武哉故武之武
或不足敷奏其勇而文之武寔適駿有聲遠矣
公奉靈旗而大征也豈徒杖三尺劍翫寇於掌
股之間已哉居恒就觚爲文辭則在轅門如游
金馬日匠思摘藻與古之作者相放依而以色
容焉亦篤勤矣至歸美元輔爲宗功之篇是又
公之以可濟可而上諭其信者與敘雜著第三

功宗小紀

昔人有言自古用兵未有大得志於西南夷者
從來久矣山都介在川貴間漢府土司周遭布
濩而蠻獨陸梁其中徃代無論

明興二百年間蓋十有一征而最大者無如天順成
化之際至煩大司馬提兵出合三省漢土官軍
十八萬越四年僅克大壩蓋其地去九絲不二
十里竟阨塞難進以故遺患至今嘉隆間猖獗
甚矣語在諸使臣奏議中其蹂躪慘酷未易名
狀然所爲稔惡斯極小小撻伐輒不利間議大
舉則衆難塞胸訖無決策者豈其才能智力不

足吞蠻哉

廟堂靡主斷疆場鮮成功豈惟不成非挑釁速禍之
懼則老師費財之虞故未征而先與其敗少挫
而遽奪其成任事之難匪一朝夕故矣不佞往
備員同寺會言官追論貴州安酋先年阻兵狀
廷議欲有所連治一日諧寺僚謁今

元相張公言及斯事公云貴州建在夷窟中藉
第令羈縻不動斯可矣若蜀之都蠻密邇敘瀘
侵暴我內地殆六七州縣赤子無辜受戮者歷
年何算而竟不問罪此孰與貴州未幾不佞謬

撫蜀旣入境警報日數至乃上書請討之自五月視師九月報捷中間克凌霄克都都克九絲計大小寨以百數俘馘及所焚墜死者以萬數山都遂平斥境四百餘里腴田沃野十八萬畝有奇今張官置吏列障乘城分田授地已屹然新巨鎮矣自不佞而下蒙

朝廷爵賞有差嗟乎此豈不佞所能俾致哉寔由我

祖宗功德冠乎宇宙

皇天申佑景祚無疆惟休是以誕生

明主妙齡御極深惟長治久安之道眷倚

元輔張公至篤公又本孤忠扶日月勤思海內
不以蜀在萬里外棄而不講其於征蠻一事圖
度於未征之前籌算於方征之際鼓舞一時而
經略百世者蓋既竭其密勿之心思卽益部諸
縉紳長老訴訢相告亦庶幾稱一方綏靖矣以
此見相道之所係於治亂者猶影響之於形聲
昔韓魏公有言須臾慰滿三農望收歛神工寂
若無夫收歛若無者相道大而忘言也顧不佞
與三農同慰縱莫能言其詳可無紀其略以俟

戰筆者採拾乎。乃隆慶改元蜀撫按以都蠻上
變時公偕

內閣諸老視草有歎者曰都蠻不滅蜀敘瀘赤子
且無噍類矣安得畀一巡撫往任之公曰吾楚
一士足辦此第名未著耳問曰何公以不佞對
當是時不佞督學關中蓋去今七八年所而公
已收之藥籠中如此近以平蠻方得聞懸記之
詳因憶曩者舉貴蜀事並論公毋亦有深意存
焉迨萬曆元年三月不佞甫至敘州會言官有
以閩事論劉顯者罪且不貸公曰臨敵易將兵

家所忌倘蜀事不効並閩事逮治之未晚於是
言者意始解而顯以此懼且感竟奮不顧身以
平蠻自効有如顯不可留蠻禍益叵測所領標
兵多江浙閩粵間烏合之雄如郭成之罷剽掠
幾內訌者恐又甚矣事特預撲於無形不覺耳
况敢望平蠻哉先是大征疏上

中朝公卿大夫謂不便者十九大略以蠻若可征
豈俟今日不如撫之便公曰不然不剿而撫此
向來所以滋患也且觀蜀中經畫虜已在吾目
中諸公但傾耳以俟捷音之至耳乃其後果以

數月告成功至於公所爲手教者有曰劉顯功名著於西蜀取功贖罪保全威名在此一舉郭成雖廢然有必報之讐宜用以佐顯余因持以激顯亟起成於家二帥感公特知莫不鷹揚虎視自計不反顧有曰六縣人心怨恨旣深宜因其機而使之余因募六縣丁壯旬日間一呼響集莫不爭先効死關者有曰攻險之道必以奇勝奕家布置雖多成功者一路而已今可徵兵積餉爲坐困之形而募死士從間道擣其虛先年破香鑪取洮岷皆用此道若不奮死出奇欲

以歲月取勝此自困之計兵聞拙速未覩巧之
遲久也其後九月九日卒用奇取一路登城遂
大捷總之公所卷卷無慮千數百言而大旨若
此以故人徒見成功之易而豈知政本之地發
蹤指示若斯之勤也自今回視兵間次第寧有
一爽公之左券者哉韓子曰凡此蔡功惟斷乃
成此雖蕞爾戎寇不足數自非公主斷豈疆場
之臣所敢嘗試而况深勞於猷念者雖在萬里
外未嘗不日夜往來帷幄中也捷至公喜動顏
色報書曰都蠻自擅不討之日久矣豈知